

«ՎՐԱՍԱՆԸ» 100 ՏԱՐԵԿԱՆ Է

ՇՆՈՐՀԱՎՈՐ ՀՈՐԵԼՅԱՆԴ, «ՎՐԱՍԱՆ»

(Սկիզբը՝ 1-ին էջում)

որ «Վրաստանը» իր մեկդարյա գոյության ընթացքում նշանակալի դեր կատարեց ինչպես վրաց պետականության, Վրաստան-Հայաստան հարաբերությունների ամրացման եւ վրաց ու հայ ժողովուրդների բարեկամության խորացման գործում: «Վրաստանը» իր ընթերցողների մեջ սերմանում է սեր, հարգանք եւ հավատարմություն հարազատ երկրի՝ Վրաստանի նկատմամբ, ինչով էլ ավելի նպաստում պատմականորեն ազգակից եւ եղբայր երկու ազգերի բարեկամությանն ու համագործակցությանը:

Անցած հարյուր տարիների ընթացքում եւ այսօր էլ «Վրաստանը» երկրի ազգությանը հայ բնակիչների մոտ հարգանքի զգացում է առաջացնում վրացական պետության, վրաց ժողովրդի հանդեպ՝ աջակցելով նրա

ինտեգրմանը վրաց հասարակությանը:

Ֆինանսների նախարարության եկամուտների ծառայությունն արդեն հինգ տարի է, հաջողությամբ համագործակցում է «Վրաստան» թերթի հետ եւ այդ տարիների ընթացքում Վրաստանում բնակվող հայազգի քաղաքացիներին ապահովում նաեւ հարկային եւ մաքսային պարտավորությունների մասին տեղեկատվությամբ:

Ցանկանում են ին տրախտիքը հայտնել թերթի խմբագրակազմին, վրաց-հայկական հարաբերությունների ամրացման եւ մեր երկրում խաղաղության ու կայունության հաստատման գործում:

Շնորհավորում են, սիրելի «Վրաստանցիներ»...

ԼԵՎԱՆ ԿԱԿԱԿԱ

Վրաստանի ֆինանսների նախարարի տեղակալ, եկամուտների ծառայության պետ

ՄՇԱԿՈՒԹԱՅԻՆ ՕՐՅԵԿՍ

ԹԲԻԼԻՍԻ ՊԵՏՐՈՍ ԱՂԱՄՅԱՆԻ ԱՆՎԱՆ ԹԱՏՐՈՆԻ ՆՈՐ ՇԵՆՔԻ ՇԻՆԱՐԱՐՈՒԹՅՈՒՆԸ ՄՈՏԵՆՈՒՄ Է ԱՎԱՐՏԻՆ

Թբիլիսիի Պետրոս Աղամյանի անվան պետհայդրամայի թատրոնի նոր շենքի շինարարությունը մոտենում է ավարտին:

Ինչպես հայտնի է, կորոնավիրուսի համավարակով պայմանավորված սահմանափակումները իրենց ներգործությունն ունեցան երկրի տնտեսական եւ սոցիալական կյանքի գրեթե բոլոր ոլորտներում: Շատ բնագավառներ կաթվածահարվեցին, շատ աշխատանքներ դադարեցվեցին:

Ըստ երեւոյթին, դրանով էր պայմանավորված այն, որ վերջերս հեռուստաընկերություններից մեկը հեռարձակեց հաղորդում, ուր խոսվեց առանձին օբյեկտների, այդ թվում՝ Թբիլիսիի հայկական թատրոնի շինարարական աշխատանքների իբր դադարեցման մասին: Շտապեք հերքել տարածված ապատեղեկատվությունը: Թատրոնի շինարարությունը համավարակի նույնիսկ ամենածանր ժամանակահատվածում է չի դադարել: Միզուցե փոփոխական ինտենսիվությամբ, բայց շինարարությունը երբեք կանգ չի առել:

Ինչպես տեղեկացրին «Վրաստան» թերթին շինարարները, աշխատանքներն ընթանում են համաձայն հաստատված ծրագրի, ընդ որում շինարարության գերակշիռ մասն ավարտված է: Ներկա դրությամբ տարվում են ներքին հարդարանքի աշխատանքներ:

Արտաքին ճակատի աշխատանքները, ինչպես տեսնում եք, գրեթե ավարտվել են, մնացել է միայն երեսապատումը: Այժմ շենքի ներհարդարմամբ ենք զբաղ-



Առաջին լուսանկարը նորակառույց դահլիճից

ված: Աշխատանքներ են տարվում երկու մեծ ու փոքր դահլիճներում: Իհարկե, համավարակի սահմանափակումները ազդեցին շինարարության տեմպերի վրա, խախտեցին գրաֆիկը, սակայն աշխատանքները երբեք չեն դադարել եւ առ այս պահն ընթանում են:

Հիշեցնենք, որ Թբիլիսիի հայկական թատրոնի նոր շենքի շինարարությունը, որը սկսվեց 2019 թվականի հունվարին, իրականացվում է Բիծինա Իվանիշվիլու «Քարթու» ինժեներական տրամադրած շուրջ 19 միլիոն լարիի ֆինանսավորմամբ:

«ՎՐԱՍԱՆ»

ՎՐԱՍԱՆՆ ՈՒ ՀԱՅԱՒՈՍ «ՎՐԱՍԱՆԸ» ՀԱՐԱՋԱՏ ԵՆ ԻՆՉ

(Սկիզբը՝ 1-ին էջում)

Ես ոչ միայն ինձ զգացել եմ Վրաստանի մեջ, այլև շարունակ Վրաստանն եմ զգացել իմ մեջ, եւ դա ուրախություն է եղել, Աստծո տված ուրախություն:

Ահավասիկ, որպես դարավոր բարեկամության մի նոր վկայություն, 1920-ի դեկտեմբերին թբիլիսիում սկսում է հայերեն լույս տեսնել «Վրաստան» թերթը: Ընդլայնելով մեր ժողովուրդների հոգեւոր սահմանները, լուսաբանելով նորաստեղծ համրապետության առջեւ դրված խնդիրները, թերթը միաժամանակ մշակութային յուրովի դաշտ է հանդիսացել մասնավորապես Վրաստանում ծնված, ապրող, ստեղծագործող անհատների համար: Պահի թելադրանքով, հիշողության սահմաններում, հիշատակեն անուններ, որ այս կամ այն կերպ կապված են եղել թերթի աշխատանքի հետ: Մկրտիչ Ասլանյան, Մկրտիչ Սարգսյան, Մարտին Քարամյան, Հովհաննես Կարայան, Բենիկ Սեյրանյան, Սոս Սիմավորյան, Անահիտ Բոստանջյան, Աղասի Ավագյան, Հրանտ Աբրահամյան, Գիվի Շահնազար, Օքրո Օքրոյան, Ժորա Մնիսչյան, Վիկտոր Հովսեփյան, Մռազ Ջաֆարով, Գուրի Եթեր, Նորայր Երթեցյան, Սերգեյ Առաքելյան, Ալբերտ Օհանյան, Մամիկոն Թազվորյան, Մուլիկ Սեդրակյան, Սամվել Պողոսյան, Գայանե Խաչատրյան (նկարչուհի), Հակոբ Քթոյան, Ալիկ Իսոյան, Միքայել Ախտյան, Հենրիկ Սահակյան, Արտո Ալեքսանյան, Աղասի Մելքոնյան... Անունների ցանկը կարելի է շարունակել: Անշուշտ, ասող կլինի՝ ի՞նչ կարիք կա: Իսկ ես ասում եմ՝ կարիք կա, որովհետեւ, երեք թե չորս հոգուց բացի, մյուսներն ավարտել են երկրային կյանքը: Գրքերի հեղինակներ էլ կան, որ մնում են գրականության պատմության մեջ: Կան նաեւ գրական նշանավոր գործիչներ, սակայն, շատերի շիրմաքարերին իջել է մոռացության փոշին: Ցանկացա մաքրել մարդկային մտքի ժանգը եւ պարզել, վերստին կյանքի կոչել, ապրեցնել գոնե մի պահ: Ոչ միայն ճանաչել, այլև ճանապարհ են գնացել, հացի սեղան են նստել նրանցից շատերի հետ:

Ինձ համար այդ մեկը «Վրաստան» թերթի խմբագիր (1959-1986թթ.) Հակոբ Բլրցյանն եղավ: Հոր աչքով էր նայում, ինչպես ասում են, հայրախնամ էր: Ինձ ընդունում, քաջալերում, տպագրում էր: Թող որ գերեզմանը կնքված մնա եւ երկնքում լույսի մեջ լինի հոգին:

Երբ ժամանակը լցվեց, թերթի գլխավոր խմբագիր նշանակեցին Վան Բայբուրթյանին: Ի դեպ, «Վրաստանի» նախորդ, թվով տասներկու խմբագիրներն էլ կուսակցական աշխատողներ են եղել, այն է՝ ոչ մասնագետներ: Վանը, սակայն, կայացած ժուռնալիստ էր, փորձառու, ստեղծագործական ուղի անցած: Մոսկվայում, ինչպես եւ Թբիլիսիում լույս տեսնող պարբերականների սեփական թղթակից էր

եղել: Երկու կարծիք լինել չի կարող, Վան Բայբուրթյանով «Վրաստան» (այն ժամանակ «Սովետական Վրաստան») հանրապետական թերթը բնականոն հունի մեջ մտավ: Առաջին իսկ համարները ցնծությամբ ընդունվեցին: Վանը մի առանձին սիրով հիշում է հայրենակից, անվանի մտավորական, գրող, ժուռնալիստ Մերուժան Տեր-Գուլամյանի հիացական նամակը Երեւանից: Ի թիվս այլոց, Վանը բարեկամների շարքի առաջնագծում տեսնում է ՀԳՄ նախկին, նախագահ Վարդգես Պետրոսյանին եւ բանաստեղծ, թարգմանիչ Գագիկ Դավթյանին:

Վան Բայբուրթյանին հաջողվեց խաղաղ մթնոլորտում ստեղծել ստեղծագործական գրեթե կատարյալ կոլեկտիվ: Առաջնություն տվեց մարդկային ազնիվ ու անկեղծ հարաբերություններին:

Իմ գործընկեր Վանը կարիքներս էլ չէ. շարունակ շարժման մեջ է, մեկնում է Վրաստանի հայաբնակ վայրերը, մասնակցում միջոցառումների ու նոր միայն լուսաբանում թերթում: Առանց Վանի մասնակցության ու գործակցության չեն անցնում այնպիսի հանդիսություններ, ինչպիսիք են, ասենք, սայաթույվյան Վարդատոնը Թբիլիսիում, տերյանական օրերը Գանձա գյուղում, Ջիվանու օրը Կարծախում, Հավասու օրը Ծալկայի Այազմա գյուղում, աղայանական օրը Բոլնիս-Խաչենում: Այս հանդիսություններն, անշուշտ, զնալով մարում են, կորցնում իրենց նախնական փայլը: Ինչո՞ւ: Որովհետեւ ժամանակները փոխվում են, մարդկային սրտերը կարծրանում են եւ ազգային արժեքների վրա հարձակումներ են գործում եվրոպական արժեք կոչվածները, որ մեծ մասամբ պիղծ են, այլասերող:

Ահա այս ծանր ու ավելի ծանրացող պայմաններում Վան Բայբուրթյանը շարունակում է իր առաքելությունը՝ հավատարիմ մնալով երեսուն տարի առաջ կապած ուխտին:

Գայթակղություններ չունեցավ նյութական հարստություն դիզելու, նախընտրեց հոգու ճանապարհը, նախընտրեց բարի գործերով հարստանալը: Ինչպե՞ս թողնի թերթը, երբ Վրաստանի հայության մեծ մասը պետական օրենքներին, օրենսդրական դաշտում տեղի ունեցող փոփոխություններին ծանոթանում է թերթի միջոցով: Նույնը վերաբերում է հայաստանյան եւ համահայկական ընդհանրական կյանքին:

Առիթ էր, մի քիչ ծավալվեցի: Մնում է մեր եղբորը՝ Վան Բայբուրթյանին, ցանկանալ մարմնավոր եւ հոգեւոր գորացում ի շահ հայ-վրացական հարաբերությունների առավել կայունացման ու զարգացման, մի բան, մի գործ, մի երեւոյթ, որ գրեթե նույնանուն է Աստծո պատվիրանի հետ. «Սիրիր մերձավորիդ անծիղ պես»:

ՀԱՐՈՒԹՅՈՒՆ ՀՈՒՍԱԹԱՆ
«Չայն հայրենական» թերթի գլխավոր խմբագիր Երեւան

ՄՊՑԻԱԼԱԿԱՆ

ՄՊԱՍԱՐԿՈՒՄՆԵՐԻ ԶԱՐԳԱՑՄԱՆ ԳՈՐԾԱՎԱԼՈՒԹՅՈՒՆԸ ՎԵՐՍԿՈՒՄ Է ՏԵՂՈՒՄ ԾԱՌԱՅՈՒԹՅՈՒՆՆԵՐԻ ՄԱՏՈՒՑՈՒՄԸ

Պետական սպասարկումների զարգացման գործակալությունը հունիսի 8-ից վերսկսում է տեղում ծառայությունների մատուցումը:

Սպասարկումների զարգացման գործակալության հրապարակած տեղեկության մեջ նշված է, որ այն անձինք, ովքեր առանց տարածքը լքելու ցանկանում են օգտվել Պետական սպասարկումների զարգացման գործակալության ծառայություններից, օրինակ՝ Վրաստանի քաղաքացու կենսաչափական անձնագիր, էլեկտրոնային ID/բնակության էլեկտրոնային վկայական, PIN/PUK կոդերի վերականգնում, կարող են Պետական սպասարկումների զարգացման գործակալության sda.gov.ge կայք-էջում լրացնել էլեկտրոնային դիմում տեղում սպասարկում ստա-

նալու համար:

«Շահագրգիռ անձի կողմից ծառայության արժեքի վճարումից հետո, գործակալության աշխատակիցը ծառայության ընթացակարգերն իրականացնելու համար կայցելի շահագրգիռ անձին՝ նրա կողմից նշված հասցեով, համավարակով պայմանավորված կանոնների պահպանմամբ:

Մոլորակի բարձր տարիքի մարդկանց, ինչպես նաեւ նրանց, ովքեր առողջական վիճակի պատճառով չեն կարողանում տեղաշարժվել, ID/բնակության էլեկտրոնային վկայական եւ կենսաչափական անձնագիրն առաջին անգամ

ստանալու համար գործում է այլ կանոն այս կատեգորիայի անձանց համար նշված ծառայությունն անվճար է: Տեղում ծառայություն ստանալու համար շահագրգիռ անձը պետք է կապվի գործակալության հեռակա սպասարկման ծառայության հետ՝ 2 40 10 10 հեռախոսահամարով եւ համապատասխան տեղեկություն տրամադրի օպերատորին, որից հետո, գործակալության աշխատակիցները, Առողջապահության համաշխարհային կազմակերպության կանոններին համապատասխան, հայտն ստանալու եւ անհրաժեշտ ընթացակարգերն իրականացնելու համար 10 օրվա ընթացքում կայցելեն նշված հասցեով»,- ասված է սպասարկումների զարգացման գործա-



կալության հայտարարության մեջ:

COVID - 19

ԻՐԱԿԻ ՂԱՐԻՔԱՆՎՈՒԻ. «ԿՄՇԱԿՎԻ ԻՆՏԵՆՍԻՎ ԵՎ ԶԱՆԳՎԱԾԱՅԻՆ ՊԱՏՎԱՍՏՄԱՆ ԿԵՆՏՐՈՆՆԵՐԻ ԿԱԶՄԱԿԵՐՊՄԱՆ ԾՐԱԳԻՐ»

Հունիսի 8-ին, Վրաստանի վարչապետ Իրակլի Գարիբաշվիլու գլխավորությամբ, անցկացվեց միջգերատեսչական համակարգող խորհրդի նիստ, որտեղ քննարկվեց երկրում առկա համավարակային իրավիճակը:



Վարչապետի գնահատմամբ՝ երկրում վարակի տարածման հետ կապված իրավիճակը կայունացել է: Ինչ վերաբերում է պատվաստումներին, ապա, նրա խոսքով, մինչև տարեվերջ երկիրը կունենա 3,6 մլն չափաբաժին պատվաստանյութ, ինչը նշանակում է, որ համընդհանուր պատվաստման համար ռեսուրս կլինի: Վարչապետի հանձնարարությամբ, առողջապահության նախարարությունը մեկ շաբաթվա ընթացքում կնշակի ինտենսիվ պատվաստումների եւ զանգվածային պատվաստումների կենտրոններ կազմակերպելու ծրագիր, որը կներկայացվի համակարգող խորհրդին՝ հաստատման համար: Բացի այդ, Հիվանդությունների վերահսկման եւ հանրային առողջապահության ազգային կենտրոնը կվերապատրաստի պատվաստման լրացուցիչ բրիգադներ, եւ գյուղական բժիշկները ներգրավված կլինեն այս գործընթացին: Բացի այդ, միջգերատեսչական համակարգող խորհրդի որոշման համաձայն, ավիացիայի ոլորտում աշխատող

անձինք, որպես առաջնահերթ խումբ, կներգրավվեն պատվաստումների գործընթացի: Միաժամանակ նշվեց, որ պատվաստման գործընթացին զուգահեռ, պաշտպանիչ դիմակ կրելը, սոցիալական հեռավորություն պահպանելը եւ մարդաշատ հավաքույթներից խուսափելը մնում են վարակի տարածումը կանխելու կարևորագույն միջոցներ: Միջգերատեսչական համակարգող խորհուրդը քաղաքացիներին կոչ է անում պահպանել գործող կանոնակարգերը՝ սահմանափակումների մեղմացման ֆոնին համավարակային իրավիճակի կայունացման միտումը պահպանելու համար:

ԱՄԻՐԱՆ ԳԱՄՂԵԼԻՉԵ. «ԱՄԵՆԱՅՆ ՀԱՎԱՆԱԿԱՆՈՒԹՅԱՄԲ, ԱՆՀՐԱԾԵՑ ԿԼԻՆԻ ԿԱՏԱՐԵԼ ՊԱՏՎԱՍՏԱՆՅՈՒԹԻ ԵՐՐՈՐԴ ԶԱՓԱՔԱԾԻՆԸ»

Հունիսի 9-ին, միջգերատեսչական համակարգող խորհրդի հերթական նիստի ավարտից հետո, Վրաստանի հիվանդությունների վերահսկման ազգային կենտրոնի ղեկավար Ամիրան Գամդրելիձեն հայտարարեց, որ, ամենայն հավանականությամբ, ամիրաժեշտ կլինի կատարել կորոնավիրուսի պատվաստանյութի երրորդ չափաբաժինը:



Նրա խոսքով, աշխարհում պատվաստանյութի երրորդ չափաբաժնի վերաբերյալ շատ հետազոտություններ են արվում, եւ մասնագետները խոսում են դրա անհրաժեշտության մասին: Ամիրան Գամդրելիձեի հավաստմամբ, երրորդ դեղաչափով պատվաստումն անհրաժեշտ կլինի երկրորդ դեղաչափից 6-8 ամիս անց: - Շատ հետազոտություններ են արվում առավել ուժեղ դեղաչափերի վերաբերյալ: Ամենայն հավանականությամբ, անհրաժեշտ կլինի երրորդ դոզան: Մարդիկ, ովքեր երկու անգամ պատվաստվել են, այժմ հետազոտվում են, պարզելու համար, թե որքան ժամանակ կպահպանեն նրանք իրենց բջջային իմունիտետը, եւ այս դիտարկումներին զուգահեռ, շատերը կարծում են, որ պատվաստանյութերի մեծամասնության համար անհրաժեշտ կլինի

երրորդ չափաբաժինը: Միգուցե մեզ նույնպես պետք լինի երրորդ դոզան երկրում ավելի ուժեղ իմունիտետ ստեղծելու համար,- ասել է Ամիրան Գամդրելիձեն եւ հավելել, որ քաղաքացիները կարող են երրորդ անգամ պատվաստվել այլ պատվաստանյութով: - Ինչ վերաբերում է նրան, թե կոնկրետ ինչ պատվաստանյութ պետք է օգտագործվի երրորդ դեղաչափի համար, ապա հիմարավոր է, լինի նաեւ այլ: Նրանք, ովքեր «Sinopharm»-ով երկու անգամ պատվաստվել են, 8 ամիս անց կարող են պատվաստվել «Pfizer»-ով կամ «Astrazeneca»-ով եւ՝ հակառակը: Ինչ վերաբերում է առաջին եւ երկրորդ դեղաչափերը խառնելուն, այս փուլում խորհուրդ է տրվում, որ առաջին եւ երկրորդ դեղաչափերը կատարվեն նույն արտադրողի պատվաստանյութերով, բայց մասնագետները

ԿՈՐՈՆԱՎԻՐՈՒՄ. ԱՆԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱՉԱՆՅՈՒՆ 175 ՄԻԼԻՈՆԸ

COVID-19-ի հաստատված դեպքերի թիվն աշխարհում անցել է 175 625 988-ից: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 3 788 966-ը: Ապաքինվել է 159 միլիոն 182 հազար 361 մարդ:

Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 34 275 783 դեպք: Այստեղ մահացածների թիվը 614 007 է, երկրորդ տեղում Հնդկաստանն է, որտեղ հաստատված դեպքերի թիվը հասել է 29 274 823-ի, մահացածներինը՝ 363 097-ի: Վարակվածների թվով հաջորդ տեղում Բրազիլիան է: Այստեղ վարակվել է 17 215 159, մահացել է՝ 482 135 մարդ: Ֆրանսիայում կորոնավիրուսով վարակվել է 5 729 967, վարակի հետեւանքով մահացել՝ 110 270 մարդ: Ֆրանսիային հաջորդում են Թուրքիան, Ռուսաստանը, Մեծ Բրիտանիան, Իտալիան, Արգենտինան ու Իսպանիան: Հայաստանում, ընդհանուր առմամբ, վարակվածների թիվը հասնում է 223 555-ի, մահացածներինը՝ 4 482-ի, ապաքինվածներինը՝ 214 998-ի: Ադրբեջանում վարակվածների թիվը կազմում է 334 992 մարդ: Վարակից մահացել է 4 951, ապաքինվել՝ 327 907 մարդ: Վրաստանում, վերջին տվյալներով, վարակվել է 352 649, մահացել է՝ 5 012, ապաքինվել՝ 337 820 մարդ: Հունիսի 11-ին կորոնավիրուսով վարակման 695 նոր դեպքերից 389-ը Թբիլիսիում է, Աջարիայում՝ 47, Իմերեթիում՝ 55, Քվեմո Քարթլիում՝ 64, Շիդա Քարթլիում՝ 26, Գուրիայում՝ 7, Սամեգրելո-Չեմո Սվանեթիում՝ 46, Կախեթիում՝ 32, Սցխեթա-ՄթաՆեթիում՝ 9, Ռաճա-Լեչխու-միում եւ Քվեմո Սվանեթիում՝ 2, Սամցխե-Ջավախեթիում՝ 18:

Covid-19-ի դեմ արդեն ՊԱՏՎԱՍՏՎԵԼ Ե ԱՎԵԼԻ ԲԱՆ 184 ՀԱՉԱՐ ՄԱՐԴ

ԻՍԿ 50 ՀԱԶԱՐԸ ՊԱՏՎԱՍՏՎԵԼ Ե ԵՐԿՐՈՐԴ ԴԵՂԱԶՈՓՈԿ

Հունիսի 9-ի դրությամբ, Վրաստանում կորոնավիրուսի դեմ, ընդհանուր առմամբ, պատվաստվել է 184 718 մարդ: Լրիվ պատվաստման կուրսն անցել է 54 474 քաղաքացի:

Վրաստանի առողջապահության փոխնախարար Թամար Գաբունիայի խոսքով, պատվաստման ծրագիրն ակտիվ ընթանում է ինչպես խոցելի խմբերում, այնպես էլ՝ քաղաքացիների շրջանում: - Պատվաստումն իրականացվում է «Sinopharm»-ի երկրորդ եւ «Sinovac»-ի առաջին դեղաչափերով: Բացի այդ, մի քանի օրից նախատեսվում է սկսել «Sinovac» պատվաստանյութի երկրորդ դեղաչափի գրանցումը: Ընդհանուր առմամբ, ավելի քան 50 000 քաղաքացի արդեն պատվաստվել է երկու դեղաչափերով, իսկ մոտ 130 000 մարդ՝ մեկ դեղաչափով: Ծրագիրը, իհարկե, կշարունակվի նույն կերպ, ինչպես հիմա է ընթանում,- հայտարարել է Թամար Գաբունիան եւ հավելել, որ պատվաստումների ծրագիրն կարող են մասնակցել 18 տարին լրացած բոլոր քաղաքացիները, եւ այդպես էլ կշարունակվի: Նրա խոսքով, COVID-19-ով երկրում վարակված մարդկանց ընդհանուր թվից հիվանդանոցներում են գտնվում 3 333-ը, վերակենդանացման բաժանմունքում բուժումը շարունակվում է 201 մարդ, իսկ ինտենսիվ թերապիայի բաժանմունքում՝ 731 բուժառու: Հիշեցնենք, որ Վրաստանում պատվաստման գործընթացը մեկնարկեց մարտի 15-ից՝ միայն բժշկական ոլորտի աշխատողների համար: Ավելի ուշ պատվաստվողների խումբն ընդլայնվեց եւ պատվաստվել սկսեցին նաեւ 65 տարեկանից բարձր քաղաքացիները: Այժմ «AstraZeneca» տեսակի պատվաստանյութով պատվաստվելու համար կարող են գրանցվել 45 տարեկանից բարձր քաղաքացիները: 18 տարեկանից բարձր քաղաքացիների պատվաստումն ընթանում է չինական «Sinopharm» տեսակի պատվաստանյութով: Մայիսի 24-ից 18 տարեկանից բարձր քաղաքացիները պատվաստվում են «Sinovac» տեսակի պատվաստանյութով:

ՀԻՇԱՏԱԿԻ ԽՈՍՔ

ԻՄ ԲԱՐԻ ԲԱՐԵԿԱՄ, ՀՈՒՄՈՐՈՎ ԼԻ ՌԵՁՈ ԳԱԲՐԻԱԶԵՆ

Ցավալի լուր: 84 տարեկան հասակում վախճանվեց աշխարհահռչակ վրաց նկարիչ, կինոյի եւ թատրոնի ռեժիսոր, դրամատուրգ եւ կինոսցենարիստ, տիկնիկագործ Ռեւազ Գաբրիաձեն: Ռեւազը գրել է շուրջ 35 ֆիլմերի սցենար: Այդ կինոնկարները՝ «Արտասովոր ցուցահանդես», «Սերենադա», «Մի՛ տրամիր», «Կարասը», «Տարօրինակները», «Միմինո», «Պասպորտը» (Անձնագիրը) եւ մյուսները կազմում են վրացական կինոդրամատուրգիայի Ոսկե ֆոնդը եւ արժանացել են կինոյի եւ թատրոնի մի քանի տասնյակ միջազգային հեղինակավոր փառատոների դպիմեկրի կոչման: Դեռեւս 1981 թվականին Ռեւազ Գաբրիաձեն Թբիլիսիում հիմնեց խամաճիկային թատրոն, որը մասնակցություն ունեցավ

ցավ ֆրանսիական Ավինյոնում, շոտլանդական Էդինբուրգում, ամերիկյան Նյու Յորքում, կանադական Տորոնտոյում, սերբական Բելգրադում, Մոսկվայում եւ այլ քաղաքներում կայացած թատերական փառատոներին: 2010 թվականին Գաբրիաձեի նախաձեռնությամբ եւ ամբիջական մասնակցությամբ Թբիլիսիում խամաճիկային թատրոնի հարեւանությամբ կառուցվեց բացառիկ ժամացույցով աշտարակ, որը երեսնամյակով էր նկարչի ծեռամբ պատրաստված տիկնիկներով: Ռեզո Գաբրիաձեի հետ մեր բարեկամությունը սկսվեց իմ ուսանողության տարիներին, երբ նա Քութայիսիից տեղափոխվեց մայրաքաղաք, իսկ ես՝ Թբիլիսիի պետական արվեստի ժուռնալիստիկայի ֆակուլտետի ուսանող, նրա հետ աշխատում էի

«Մոլոդյոժ Գրուզի» թերթի խմբագրությունում: Մեր մտերմությունը շարունակվեց նաեւ, երբ Ռեզոն տեղափոխվեց Մոսկվա եւ «Սերգեյ Օբրազցովի տիկնիկային թատրոնի» ղեկավարն էր, իսկ ես աշխատում էի «Կոմսոմոլսկայա պրավդա» թերթում եւ АПН-ում (Սորությունների Մամուլի Գործակալություն): Ռեզոն ինձ միշտ ասում էր ու համոզում. «Իմացի՛ր եղբայրս, աշխարհի ամենաուժեղ հումորի տերերը քութայիցիներն ու լեւնիականցիներն են, Օդեսան ու բուլղարական Գաբրովը, մեզ հետ համեմատ, զրո են»: Վերջին 10 տարիներին նա վերադարձել է բնակվում էր Թբիլիսիում՝ մեր քաղաքի կարեւոր գույներից մեկը լինելով ու սիրելով նրա բացառիկ բազմազգությունը: Ի դեպ, ինձ հետ միասին Ռեզո Գաբրիա-



Ռեզո Գաբրիաձեն շատ անգամ մասնակցել է նաեւ հայկական Սուրբ Գեորգ եկեղեցում կազմակերպված Սուրբ Օմեղյան տոներին: ԿԱՆ ԲԱՅՐՈՒԹՅԱՆ

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱԿԱԶՊՐԵՍԻ ՆՅՈՒԹԵՐՈՎ

ԱՄԵՐԻԿԱՆ ԿՈՂՄԸ ՎԵՐԱՀԱՍՏԱՏԵՑ ՀԱՅԱՍՏԱՆԻ ՀԵՏ ԳՈՐԾԸՆԿԵՐԱՅԻՆ ՀԱՐԱԲԵՐՈՒԹՅՈՒՆՆԵՐԻ ԶԱՐԳԱՑՄԱՆ ՊԱՏՐԱՍՏԱԿԱՍՈՒԹՅՈՒՆԸ

Հունիսի 10-ին, Հայաստանի վարչապետի պաշտոնակատար Նիկոլ Փաշինյանը հանդիպում ունեցավ տարածաշրջանային այցով Հարավային Կովկասում գտնվող Ամերիկայի Միացյալ Նահանգների Եվրոպայի եւ Եվրասիայի հարցերով պետքարտուղարի տեղակալի պաշտոնակատար Ֆիլիպ Ռիքերի եւ նրա զխավորած պատվիրակության հետ:



Հանդիպմանը Հայաստանի վարչապետի պաշտոնակատարը գնահատանքի խոսքեր հայտնեց Հայոց ցեղասպանությունը պաշտոնապես ճանաչելու եւ դատապարտելու վերաբերյալ ԱՄՆ նախագահ Ջո Բայդենի ուղերձի կապակցությամբ, եւ հույս հայտնեց, որ այն կնպաստի տարածաշրջանում կայունության ու անվտանգության պահպանմանը: Իր հերթին, Եվրոպայի եւ Եվրասիայի հարցերով պետքարտուղարի տեղակալի պաշտոնակատարը նշեց, որ առաջին անգամ է այցելում Հայաստան եւ ուրախ է գտնվել Երևանում, հայ գործընկերների հետ քննարկել երկկողմ հարաբերությունները: Ֆիլիպ Ռիքերը Նիկոլ Փաշինյանին փոխանցեց ԱՄՆ պետքարտուղար Էնթոնի Բլինքենի ուղղությունները եւ վերահաստատեց Հայաստանի հետ գործընկերային հարաբերությունների զարգացման պատրաստակամությունը:

ձեռնարկելու անհրաժեշտությունը: Նիկոլ Փաշինյանը գրուցակցի ուշադրությունը հրավիրեց գերիների, պատանդների եւ պահվող այլ անձանց շուտափույթ վերադարձի եւ ՀՀ ինքնիշխան տարածքից ադրբեջանական զինված միավորների անհապաղ դուրսբերման անհրաժեշտության վրա:

Կողմերը քննարկեցին նաեւ երկկողմ համագործակցության օրակարգի հարցեր:

Երևանում, տարածաշրջանային այցի շրջանակներում, ԱՄՆ պետքարտուղարի Եվրոպայի եւ Եվրասիայի հարցերով տեղակալի պաշտոնակատար Ֆիլիպ Ռիքերը հարգանքի տուրք մատուցեց Հայոց ցեղասպանության զոհերի հիշատակին՝ ԱՄՆ ժողովրդի անունից ծաղկեպսակ դնելով Ծիծեռնակաբերդի հուշահամալիրում:

ՆԵՐԿԱՅԱՑՎԵՑԻՆ ՎԵՐՋԻՆ 30 ՏԱՐԻՆԵՐԻ ԸՆԹԱՑՔՈՒՄ ԱՌԱՋԻՆ ԱՆԳԱՄ ԻՐԱԿԱՆԱՑՎԱԾ ԾՐԱԳՐԵՐՆ ՈՒ ԲԱՐԵՓՈՒՒՄՆԵՐԸ

Հունիսի 9-ին «Քաղաքացիական պայմանագիր» կուսակցության նախընտրական ցուցակը զխավորող, ՀՀ վարչապետի պաշտոնակատար Նիկոլ Փաշինյանը Գյումրիում հանրահավաքի ժամանակ ներկայացրեց, թե իր իշխանության օրոք, վերջին 30 տարում առաջին անգամ, ինչ ծրագրեր եւ բարեփոխումներ են իրականացվել:

- Մենք զնացել ենք այն տեղեր, ուն ձայնը լսելի չի եղել, պաշտպանել ենք նրանց, ովքեր անպաշտպան են եղել, մենք հարգել ենք նրանց, ուն քամահարանքով են վերաբերվել, խոնարհվել ենք նրանց առջև, ուն վերելից են նայել,- ընդգծեց Նիկոլ Փաշինյանը:

Հայաստանի վարչապետի պաշտոնակատարի խոսքով՝ իր զխավորած կառավարությունը բնակարանով ապահովել է մանկատան այն սաներին, ուն տանայակ տարիներով պետությունը խաբել է:

- Բացի այդ, Ադրբեջանից եկած փախստականներին ենք տներով

ապահովել՝ նրանց, ուն նկատմամբ պետությունը պարտավորություն է ունեցել: Դուք հիշում եք, թե քանի անգամ աղետի գոտու վերացման մասին հայտարարվել է: Մենք եկել ենք եւ միանվագ 3 միլիարդ դրամ ենք հատկացրել այն 277 ընտանիքների բնակարանային կարիքների համար, որոնց նկատմամբ պետությունը իր պարտավորությունը ավելի քան 30 տարի չի կատարել: Մենք կառուցել ենք ճանապարհներ, որոնք 30 տարի չեն կառուցվել կամ նորոգվել,- շեշտեց Նիկոլ Փաշինյանը:

ՀԱՅԱՍՏԱՆՈՒՄ «ԿՈՆՅԱԿ»

ԱՆՎԱՆՈՒՄԸ ԴՈՒՐՍ ԿԳԱ ԿԻՐԱՌՈՒՄԻՑ

ԱՆՎԱՆՄԱՆ ԳՍԳՐԵՅՄԱՆ ՀԱՍԱՐ ԵՎՐԱՍԻՈՒԹՅՈՒՆԸ ՀԱՏԿԱՆՈՒՄ Է ԵՐԵՔ ՄԻՒՈՆ ԵՎՐՈ



Հունիսի 10-ին Հայաստանի կառավարությունը հավանություն տվեց Հայաստան-Եվրամիություն առկայության համաձայնագրին, որով խթանվելու է «կոնյակ» աշխարհագրական նշումի օգտագործման սահուն դադարեցումը, որի համար Եվրոպայի մտադիր է 3 մլն եվրո հատկացնել:

«Կոնյակ» անվամբ ընկերությունը հայ արտադրողները պետք է դադարեցնեն 2032 թվականից: Դրանից հետո նրանց կտրվի 11 տարի՝ հին պաշարները սպառելու համար: Հայաստանը մշակ գումարով պետք է նոր բրենդ մշակի հայկական խմիչքի համար, գովազդի ու խթանի դրա տարածումը եւ մրցակցության պահպանումն արտաքին շուկաներում:

«Ծրագրի իրականացմանն ուղղված գործողություններից է հայկական կոնյակի անվանման օգտագործումը դադարեցնելու եւ նոր անվանումը խթանելու համար լիազորված համապատասխան մարմինների համար կարողությունները գարգացումը, գաղափարախոսությունը, պատմության ներկայացումը, անվանումը, կարգախոսը, տարբեր թիրախային շուկաների համար գովազդային արշավի ճանապարհային քարտեզը եւ այլն»,- ասված է որոշման հիմնավորման մեջ:

«Կոնյակ» անվանումից հրաժարվելու պահանջը ներառված է ԵՄ հետ Համապարփակ եւ ընդլայնված գործընկերության համաձայնագրով, որը ստորագրվել է 2017-ին եւ ամբողջությամբ ուժի մեջ մտել 2021 թ. մարտի 1-ից:

ՍԵՎԱՆԱ ԼԵԻ ՄԱԿԱՐԴԱԿԸ ԲԱՐՁՐԱՆՈՒՄ Է

Այս տարվա ապրիլի 26-ից մինչեւ հունիսի 7-ն ընկած ժամանակահատվածում Սեւանա լճի մակարդակը բարձրացել է 18 սանտիմետրով:

Հայաստանի արտակարգ իրավիճակների նախարարության «Հայիդրոմետ» ծառայության տվյալներով, 2021 թվականի հունիսի 7-ի դրությամբ Սեւանա լիճը ծովի մակերեսույթից գտնվել է 1 900 մետր 91 սանտիմետր բարձրության վրա, ինչը 11 սանտիմետրով բարձր է նախորդ տարվա նույն օրվա եւ 18 սանտիմետրով՝ այս տարվա ապրիլի

26-ին գրանցված միջի համեմատ: Նույն աղբյուրի տվյալներով, 2021 թվականի հունվարից հունիս ընկած ժամանակահատվածում, Արփա-Սեւան թունելային ջրատարով Սեւանա լիճ է հոսել 114 մլն 450 հազար խորանարդ մետր ջուր, իսկ հունիսի 7-ի դրությամբ Սեւանա լճից ոռոգման նպատակներով բաց թողնված ջրի ծա-



վալը կազմել է 21 մլն 590 հազար խորանարդ մետր ջուր:

ՍԿՍՈՒՅ ԱՐՏԱՇԵՐԹ ԸՆՏՐՈՒԹՅՈՒՆՆԵՐԻ ԷԼԵԿՏՐՈՆԱԳԻՐ ԵՎՆԵԱԿՈՎ ԶՎԵՐԿՈՒԹՅՈՒՆԸ

Հունիսի 11-ին մեկնարկեց արտահերթ խորհրդարանական ընտրությունների համար էլեկտրոնային եղանակով քվեարկությունը: Այն կավարտվի հունիսի 13-ին:

Քվեարկության արդյունքները կամփոփվեն եւ քվեարկության արդյունքների վերաբերյալ կազմված արձանագրությունը կիրառակվի քվեարկության օրը, այսինքն՝ հունիսի 20-ին:

Էլեկտրոնային եղանակով քվեարկելու իրավունք ունեն Հայաստանի դիվանագիտական կամ հյուպատոսական ներկայացուցչություններում դիվանագիտական ծառայություն անցնող ընտրողները եւ նրանց հետ արտերկրում բնակվող ընտանիքի՝ ընտրելու իրավունք ունեցող անդամները, նաեւ օտարերկրյա պետություններում երկարաժամ ծառայողական գործուղման կամ ուսման մեջ գտնվող զինծառայողները եւ նրանց հետ արտերկրում բնակվող ընտանիքի անդամները: Ըստ Կենտրոնական ընտրական հանձնաժողովի հրապարակած տույակի՝ էլեկտրոնային եղանակով քվեարկելու իրավունք ունի 650 անձ:

ՀԱՅԱՍՏԱՆԻ ՍԳ ՓՈՒՆԵՍՄԱՐԱՐՆԵՐԸ ՀՐԱԾԱՐԱԿՄԱՆ ԵՆ ՏՎԵԼ

Հայաստանի բոլոր չորս փոխարդարծնախարարները հրաժարական են տվել: Նրանց հրաժարականի մասին համապատասխան դիմումները նախորդ շաբաթ ուղարկվել էին վարչապետի աշխատակազմ: Ավելի վաղ, արդարծնախարարի պաշտոնակատար Արա Այվազյանը հրաժարական էր տվել մայիսի 27-ին:

24 ՄԻՒՈՆ ԳՈՒՍՐԻ ՕԳՆՈՒԹՅԱՆ ՓԱՅՔԵ ԱՄԵ-ԻՃ

ԱՄՆ նախագահ Ջո Բայդենի վարչակազմը Հայաստանին 24 միլիոն 5 հազար դոլարի հետպատերազմյան օգնության փաթեթ է առաջարկում:

Նշենք, որ ԱՄՆ օրենսդիրները մեկ անգամ չէ, որ կոչ են արել Հայաստանին ու Արցախին նվազագույնը՝ 100 միլիոն դոլարի օգնություն հատկացնել:

Բյուջեի առանձին հոդվածով նախատեսվում է 6 հարյուր հազար դոլար հատկացնել Հայաստանի իրավապահ մարմիններին թմրանյութերի փորձաքննման դեմ միջազգային պայքարի համար:

ՄԱՐԳԱՍԻՐԱԿԱՆ ՕԳՆՈՒԹՅԱՆ ԾԱՎԱՆՈՎ ԱՆՈՋԻՆԵ ԱՄԵ-Ն Է

Մարդասիրական օգնության կարգով 2021-ի հունվար-մարտին Հայաստան է ներմուծվել 501.4 տոննա ապրանք, որի արժեքը կազմել է 5 մլն 209.3 հազար դոլար:

2021-ի հունվար-մարտին Հայաստան ներմուծված մարդասիրական օգնությունը, նախորդ տարվա նույն ժամանակի համեմատ, ավելացել է 8.2 տոկոսով: Ամենաշատ մարդասիրական օգնություն Հայաստանին ուղարկել է Միացյալ Նահանգները՝ 1 մլն 247.4 հազար դոլարի, ինչը, նախորդ տարվա նույն ժամանակի համեմատ, ավելացել է 90.1 տոկոսով:

Հաջորդ ամենամեծ ծավալով մարդասիրական օգնությունը ստացվել է Հինաստանից՝ 1 մլն 109.5 հազար դոլարի (ավելացել է 99 տոկոսով): Երրորդ տեղում Ֆրանսիան է, այստեղից ստացվել է 564.4 հազար դոլարի մարդասիրական օգնություն (ավելացել է 3.1 անգամ):

ՀՈՒՆԻՍԻ ԳՐՈՒԹՅՈՒՆՆԵՐԻ ՏՆՏԵՍՍՎԱՆ ԱՋԸ ԿԳՁՄԻ 3,4 ՏՈՂՈՍ

Համաշխարհային բանկը Հայաստանի տնտեսական աճն այս պահին կանխատեսել է 3.4 տոկոս:

Համաշխարհային բանկի հունիսյան Գլոբալ տնտեսական հեռանկարների մասին զեկույցում նշված է, որ 2022-ին եւ 2023-ին Հայաստանի տնտեսական աճը գնահատվում է, համապատասխանաբար, 4.3 եւ 5.3 տոկոս:

ՄՊՈՐՏ

«VIP-ՍՈՖԻԱ» ՄԱՐԶԱԿՈՒՄԲԸ ԵՐԿՐԻ ԱՌԱՋՆՈՒԹՅՈՒՆՈՒՄ ՆՎԱՃԵՑ 28 ՏԱՐԲԵՐ ԱՐԺՈՂՈՒԹՅԱՆ ՄԵՂԱԼՆԵՐ



Թբիլիսիում անցկացվեց փետրագնդակի Վրաստանի առաջնությունը, որին մասնակցեցին, Թբիլիսիից բացի, երկրի 5 տարածաշրջանների մարզիկներ:

Առաջնությունը կազմակերպվել էր Վրաստանի մշակույթի և սպորտի նախարարության ու երկրի փետրագնդակի ազգային ֆեդերացիայի կողմից: Մրցաշարն անցկացվեց տարիքային չորս (2000-2008, 2005-2006, 2003-2004 տարիների ծնվածների և մեծահասակների) խմբերում, մեծահասակատարման և զուգախմբերի անվանակարգերում:

Երկրի առաջնությունում Թբիլիսիի ներկայացնող «VIP-ՍՈ-

ՖԻԱ» մարզականների (մարզիչ՝ Սոնյա Վարդանյան) մարզիկ-մարզուհիները, ընդհանուր հաշվով, իրենց ակտիվում գրանցեցին 14 ոսկե, 10 արծաթե և 4 բրոնզե մեդալներ: Վրաստանի չեմպիոններ դարձան Գրիգոլ Նալգրանյանը և Մարիա Խաչատրյանը: Մրցանակային տեղեր զբաղեցրին Պավլե Փիլթոյանը, Մարինա Յուսեփյանը, Գարրի Տեր-Կարապետյանը և Դանիել Թադեոսյանը:

ԵՎՐՈ-2020. ՄԵԿՆԱՐԿՈՒՄ Է ԱՆՅՅԱԼ ՏԱՐՎԱՆԻՅ ՀԵՏԱԶՊԱՏ ԱՌԱՋՆՈՒԹՅՈՒՆԸ

ՈՒԵՖԱ-ի 2020 թվականի Եվրոպայի ֆուտբոլի առաջնությունը (Եվրո-2020) նախատեսված է դառնալու ՈՒԵՖԱ-ի Եվրոպայի 16-րդ առաջնությունը, որը կազմակերպվում է Եվրոպական ֆուտբոլային Ասոցիացիաների Միության (ՈՒԵՖԱ) կողմից:

Մրցաշարը նախատեսվում էր անցկացնել ՈՒԵՖԱ-ի 12 երկրների 12 քաղաքներում՝ 2020 թվականի հունիսի 12-ից մինչև հունիսի 12-ը: Առաջնության գործող չեմպիոնը Պորտուգալիան է, որը հաղթել է 2016 թվականի առաջնությունում: Առաջին անգամ ՈՒԵՖԱ-ի Եվրոպայի առաջնությունում կօգտագործվի մրցավարների վիդեո օգնական (VAR) համակարգը:

2020 թվականի մարտի 17-ին ՈՒԵՖԱ-ն որոշեց մեկ տարով հետաձգել մրցաշարը կորոնավիրուսի եվրոպական համաճարակի պատճառով:

2017 թվականի դեկտեմբերի 7-ին ՈՒԵՖԱ-ն հայտարարեց բացման վայրը կլինի Զոմի Օլիմպիական մար-

զաղաշար: Ընտրված տասնմեկ քաղաքներից երկրներից յոթ քաղաքը եւ վեց երկիրը երբեք չեն ընդունել Եվրոպայի առաջնություն մինչ այդ:

Առաջնության խաղերը կանցկացվեն Լոնդոնում, Գլազգոյում (Մեծ Բրիտանիա), Զոռնում (Իտալիա), Բաքվում (Ադրբեջան), Սանկտ Պետերբուրգում (Ռուսաստան), Մյունխենում (Գերմանիա), Բուդապեշտում (Հունգարիա), Սեիլայում (Իսպանիա), Բուխարեստում (Ռումինիա), Ամստերդամում (Հոլանդիա), Կոպենհագենում (Դանիա):

Առաջնությունում 24 թիմերը ընդգրկված են վեց խմբերում:

A խումբ՝ Թուրքիա, Իտալիա, Ռեյս, Շվեյցարիա:

B խումբ՝ Դանիա, Ֆինլանդիա,



Բելգիա, Ռուսաստան:

C խումբ՝ Նիդերլանդներ, Ուկրաինա, Ավստրիա, Զյուսխային Մակեդոնիա:

D խումբ՝ Անգլիա, Խորվաթիա, Զեխիա, Շոտլանդիա:

E խումբ՝ Լեհաստան, Իսպանիա, Շվեդիա, Սլովակիա:

F խումբ՝ Ֆրանսիա, Գերմանիա, Պորտուգալիա, Զուգարիա:

Խմբային մրցաշարի առաջին երկու տեղերը զբաղեցնող թիմերից բացի, առաջնության հաջորդ փուլ են անցնում նաև լավագույն արդյունքի հասած երկրորդ տեղը զբաղեցրեց 6-ից 4 թիմերը:

ԳԻՇԱՏԱԿԻ ԽՈՍՔ

ՍԱՄՎԵԼ ՄԿՐՏՅԻ ՓՈՒԹՈՒՆՅԱԼ

Այլևս մեզ հետ չէ Սամվել Մկրտչի Փութույանը, վաստակաշատ մանկավարժն ու հարգված գործընկերը, սրտացավ մարդը:

Ծնվել է 1941

թվականի հոկտեմբերի 28-ին, Բոգդանովկայի շրջանի (այժմ՝ Նի-

նոծմինդա) Խոջաբեկ գյուղում:

1959 թվականին ավարտել է Բոգդանովկայի միջնակարգ դպրոցը և նույն տարում ուսումը շարունակել է Օրջոնիկիձեի (այժմ՝ Վաղիկավկազ) պետական համալսարանի պատմության ֆակուլտետում:

Բարձրագույն ուսումնական հաստատությունն ավարտելուց հետո, աշխատանքային առաջին մկրտությունն ստացել է հարեան Ախալքալաքի շրջանի Գումբուրդո գյուղի դպրոցում, նշանակվել է պատմության դասատու:

Այնուհետև մանկավարժի իր գործունեությունը շարունակել է մեր շրջանի Օրջոնիկիձեի մանկապարտեզի համալսարանի համալսարանի համալսարանի դպրոցներում, ապա՝ հայրենի գյուղի՝ Խոջաբեկի նորաստեղծ կրթօջախում, որն այժմ անվանակոչում ենք Նի-

նոծմինդա քաղաքի թիվ 3 հանրային դպրոց: Այստեղ էլ վստահվել է դպրոցի ուսմասվարի, ապա՝ տնօրենի դժվարին ու պատասխանատու պարտականությունները:

Ահա այսպես Սամվել Փութույանի մանկավարժական գործունեությունը ձգվել է 55 երկար ու ծիգ տարիներ: Այդ տարիներն էլ նրան վաստակ



ու հեղինակություն են բերել՝ շնորհիվ իր նվիրված ու անձնուրաց աշխատանքի:

Սամվել Փութույանի տասնյակ ու հարյուրավոր սաները, ուրբ դեղով կյանքի ճանապարհ, դարձել են անվանի մարդիկ՝ մտավորականներ, բժիշկներ, ինժեներներ, գիտնականներ, մանկավարժներ, ժողովրդական տնտեսության տարբեր մասնագետներ:

Սանկավարժի աշխատանքին զուգընթաց, Սամվել Փութույանը գործուն մասնակցություն է ցուցաբերել կրթօջախի հասարակական աշխատանքներին, կատարել տնօրինության շատ ու շատ հանձնարարություններ: Ս. Փութույանը կյանքի վերջին տարիներին աշխատել է նաև «Ռաֆայել Ջավախ» կրթամշակութային կենտրոնում և վայելել կուրսիստի ու սաների բացառիկ հարգանքը:

Նա ընտանիքի հոգատար հայր էր, նվիրված ամուսին, հարգված մասնագետ: Չնայած վերջին երկու տարում նա անցել էր կենսաթոշակի, բայց սերտ կապի մեջ էր դպրոցի հետ:

Գնա բարով, հարգարժան ուսուցիչ: Հանգչիր խաղաղությամբ: Քո լուսավոր հիշատակը երկար կմնա հարազատներիդ, քեզ ճանաչող բոլոր ընկերների սրտերում:

Ք.Նիճոճմինդայի թիվ 3 դպրոցի աշխատակազմ

6x6 grid with numbers 1-58 in various cells.

Խ Ա Չ Բ Ա Ռ

ՀՈՐԻՉՈՆԱԿԱՆ. 7.Կոճղից բուսած ճյուղ, շառավիղ: 9.«Լալկան» ծառ: 10.Տակնուվրա եղած: 11.Քաղաք Ուկրաինայում: 13.Արեւելյան Վրաստանի Կաթողիկոս-Պատրիարք ... Առաջին (XVIII դար): 16.Ֆուտբոլ, գնդակը դրսում: 17.Պատմական աշխարհագրական նահանգ ժամանակակից Թուրքիայում, պատմական Մեսոպոտամիա ... Կարջթեփ: 19.Տխմար, անիմաստ: 22.Հոյակապ, լավ: 24.XX դարի ամենահայտնի ամերիկացի երգիչներից էլվիս ...: 25.Քաղաք Սիրիայում: 27.Կահ-...: 29.Քիմիական տարր: 32.Ոտքերի վրա ծանրորեն նստած՝ հենված: 33.Պատմա-աշխարհագրական շրջան Բալկանների արեւելքում: 35.ՀՀ ազգային հերոս ... Մանուկյան: 37.Երեւանցու դիմելածե: 39.Հայտնի օպերային թատրոն Միլանում «Լա-...»: 40.Վերք (ժող.): 43.Վաշ-...: 44.Ռուսական էստրադային խումբ «Ռուկի ...»: 47.Պարարտ, չաղ: 49.Ֆրանսահայ նկարիչ, ֆիգուրատիվ արվեստի վարպետ ժան ...: 50.Առանց եփելու: 53.Սեղանի խաղ: 54.Ընտանի անասուններ պահելու շենք: 55.Թերես: 57.Լիբերիայի նախկին նախագահ, Ջորջ ...: 58.Առանց աթոռի: ՈՒՂԱՆՍՅԱՆ. 1.Ընդմիջում: 2.Վրացական ծագումով խորհրդային բանաստեղծ և երաժիշտ ... Օկու-

շավա: 3.Նյութափոխանակության խախտման հետևանքով առաջացող հիվանդություն: 4....-հռոմեական ըմբշամարտ: 5.Սետտալարից հյուսված ցանցավոր զրահաշապիկ: 6.Պետության գլխավոր երգը: 8.Խցան: 12.Մուլտֆիլմ: 14.Երգչուհի ... Եսայան: 15.Արյունածուծ միջատ: 18.Վազքի տեսակ: 19.Հին ռուսական երկարության չափման միավոր: 20.Խորհրդային մաթեմատիկոս ... Կելդիշ: 21.Հանքային կամ օրգանական նյութերից առաջացած կաշուն նստված ջրերի հատակին կամ ճահիճներում: 23.Անշուշտ: 26.Հայկական ֆուտբոլային ակումբ: 28.Գետ հարավ-արեւմտյան Ֆինլանդիայում: 29.Փիլիսոփա հնագույն Չինաստանում ... Ցզի: 30.Մարմնի մաս: 31.Սնունդ: 34.Սարք, գործիք: 36.Կշիռ, ծանրություն: 38.Հին հայկական տոմարի IV ամիսը: 41.Ջրախողովակ, ջրանցույց: 42.Ամերիկյան թռչուն: 45.Ռուս քիմիկոս-օրգանիկ ... Վազներ: 46.Միմյանցից նեղացած: 48.Ֆրանսիացի գեղանկարիչ, քանդակագործ Եդգար ...: 51.Ծանրության ռուսական չափ: 52.Արարտ, ազբեգի, էվերեստ: 56.Սետրոպյան այբուբենի տառ: Կազմեց ԷԼԼԱ ԱԹԱԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊՍՏԱՍԽԱՆՆԵՐԸ

ՀՈՐԻՉՈՆԱԿԱՆ. 1.Արագվի: 4.Գոշավանք: 10.Հուրոն: 11.Տմարդի: 12.Սողանք: 13.Պատեհ: 14.Ավի: 16.Անարի: 17.Նոթ: 18.Նա: 19.Սրինգ: 22.Կի: 24.Բոյն: 27.Ալլա: 29.Սահարա: 31.Ապա: 33.Այլ: 34.Նազանի: 35.Ելենա: 36.Ունեզուրկ: 38.Կտոր: 40.Ասաղ: 44.Նաթան: 46.Անդրեյ: 50.Արինա: 51.Մերոն: 53.Նու: 54.Կատու: 55.Երանի: 56.Դսեղ: 58.Սեզամ: 60.Արիզոնա: 61.Կրեմլ: 62.Ակոս: ՈՒՂԱՆՍՅԱՆ. 1.Արտաշես: 2.Ալագանի: 3.Վուրդ: 4.Գուսան: 5.Որոտան: 6.Շողեր: 8.Անքուն: 9.Քլինթոն: 13.Պասկալ: 15.Վանա: 20.Ռոպե: 21.Գլան: 23.Կանեփ: 24.Բագուկ: 25.Ուրարտու: 26.Յանկո: 28.Լյարդ: 30.Հազ: 32.Ալմաթի: 36.Ուրան: 37.Վանանդ: 39.Րաֆֆի: 41.Սան: 42.Անակ: 43.Թերեզա: 45.Արուս: 46.Աստղիկ: 47.Դն: 48.Ռե: 49.Յուրա: 52.Նամակ: 57.Եթե: 58.Սու: 59.Են: 60.Ալ:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ
Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ
Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ
Համակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅՏՈՒ: ԹՃՈԼՈՆՈ 0105, Ճ.ՃՈՐՃՅՈՒՆ ԺՅՅԱ 5,
Մեր հասցեն՝ Թբիլիսի 0105 Գ.Աթոնելի փ. 5
ԹՅՅՂ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՐԱՆԻՃՅՈ»
ԹՃՈԼՈՆՈ, ՆԱՅՅՏՈՅՅՈՒ
«BPACTAN»
Тбилиси, Грузия
«VRASTAN»
Georgia, Tbilisi
Индекс 66445